

# ÚTGÁFA 1.0

02.03.2020

## VIÐBRAGÐSÁÆTLUN ALMANNAVARNA

### Varmahlíðarskóli



Almannavarnadeild  
ríkislögreglustjórans

Sóttvarnalæknir

Menntamálaráðuneyti

# Efnisyfirlit

1.	Inngangur að viðbragðsáætlun	3
2.	Heimsfaraldur inflúensu	4
3.	Háskastig almannavarna	5
4.	Virkjun viðbragðsáætlana skóla	9
5.	Stjórnun og lykilstarfsmenn skólans	10
6.	Starfssvæði skólans og umfang	11
7.	Viðbragðsáætlun Varmahlíðarskóla við heimsfaraldri inflúensu	12
8.	Samskiptaleiðir	14
9.	Kort og teikningar	15
10.	Dreifingarlisti	16
11.	Breytingasaga	17

# 1. Inngangur að viðbragðsáætlun

Viðbragðsáætlun þessari er ætlað að segja fyrir um skipulag og stjórn aðgerða innan *Varmahlíðarskóla* í samræmi við áætlun Almannafræðis um viðbrögð við heimsútbreiðslu inflúensu.

Markmið áætlunarinnar eru að tryggja skipulögð og samræmd viðbrögð allra skólstofnana sem og starfsmanna þeirra þegar til inflúensufaraldurs kemur.

Við gerð áætlunarinnar er meðal annars stuðst við lög um almannavarnir nr. 82/2008 og lög um sóttvarnir nr. 19/1997.

Gerð áætlunarinnar er í samræmi við Landsáætlun vegna heimsfaraldurs inflúensu.

Viðbragðsáætlanir skóla hafa samræmda uppbyggingu. Kaflar 2, 3, 4 og 7 eru sameiginlegir og geyma almennar upplýsingar frá almannavarnadeild ríkislögreglustjóra og embætti sóttvarnalæknis. Aðra kafla semja skólarnir sjálfir og mynda þeir hina eiginlegu viðbragðsáætlun hvers skóla.

Ábyrgð á áætlun þessari er á höndum *skólastjóra Varmahlíðarskóla*. Áætlunin verður endurskoðuð a.m.k. á fimm ára fresti, en yfirfarin árlega t.d. hvað varðar boðleiðir, gátlista og starfssvæði skóla. Ef miklar breytingar verða á starfsemi skólans verður áætlunin þegar í stað endurskoðuð.

Áætlunin verður kynnt fyrir starfsmönnum skólans, nemendum og forsjáraðilum. Hún er aðgengileg á vefsíðu [www.varmahlidarskoli.is](http://www.varmahlidarskoli.is)

Áætlun þessi tekur þegar gildi.

2. mars 2020

Hanna Dóra Björnsdóttir

Skólastjóri Varmahlíðarskóla

## 2. Heimsfaraldur inflúensu

### Saga heimsfaraldrar inflúensu

Allt frá 16. öld hafa heimsfaraldrar inflúensu riðið yfir heiminn að minnsta kosti tvisvar til þrisvar á öld. Á 20. öldinni riðu þrjár heimsfaraldrar inflúensu yfir. Sá fyrsti geisaði 1918 og var afar mannskæður. Hann var nefndur spánka veikin en talið er að 50-100 milljón manns hafi látið lífið af hans völdum. Hinir tveir heimsfaraldrarnir riðu yfir 1957 og 1968 en ollu mun minna manntjóni. Á Íslandi gekk spánka veikin á suðvesturhluta landsins á tímabilinu frá október til desember 1918 en áður hafði væg sumarinflúensa gengið yfir 1918. Spánka veikin hófst í ágúst í Evrópu og Norður-Ameríku.

Talið er að um 60% Reykvíkinga hafi veikst af spánku veikinni og að allt að 500 manns látist á landinu öllu. Íslendingar geta dregið nokkurn lærdóm af reynslu Þjóðarinnar frá þeim tíma. Til að hindra útbreiðslu veikinnar voru settar ferðatakmarkanir og lokað var fyrir umferð um Holtavörðuheidi og einnig yfir Mýrdalssand. Með þessu tókst að hindra að veikin bærist til Norðurlands og Austurlands en til Vestfjarða barst hún með skipum.

Þar sem að fyrri faraldrar hafa riðið yfir á um 40 ára fresti og síðasti faraldur geisaði fyrir 40 árum hefur verið búist við nýjum faraldri í nokkurn tíma. Í apríl greindist nýr stofn inflúensuveiru í mönnum (H1N1) í Mexíkó og Bandaríkjunum. Þessi stofn hefur breiðst nokkuð hratt út um heimsbyggðina og þegar þetta er skrifað (30. júlí 2009) hafa 46 tilfelli greinst á Íslandi. Til þessa hafa veikindi verið væg og dauðsföll fátíð. Rétt er að benda á að skæð inflúensa af A stofni (H5N1) hefur breiðst út í fuglum undanfarin 10 ár og í stöku tilfellum borist í menn með alvarlegum afleiðingum.

Viðbragðsáætlanir skulu vera í samræmi við Landsáætlun vegna heimsfaraldurs inflúensu sem undirrituð var 28. mars 2008 og er að finna á [www.almannavarnir.is](http://www.almannavarnir.is) og [www.influensa.is](http://www.influensa.is)

### Markmið viðbragðsáætlunar hvers skóla

Viðbragðsáætlun vegna heimsfaraldurs inflúensu miðar að því að lágmarka áhrif inflúensufaraldurs og afleiðingar hans innan skólans með því að:

- Skilgreina mikilvæga verkþætti menntastofnunar og lykilstarfsmenn og staðgengla.
- Draga úr útbreiðslu faraldurs á vinnustaðnum og lágmarka smithættu.
- Styrkja nauðsynlega starfsemi og treysta innviði skólans.
- Upplýsa starfsmenn, nemendur og foreldra.
- Veita nauðsynlega fræðslu.
- Eiga til samræmdar áætlananir vegna hugsanlegs samkomubanns og þar með lokunar skóla.

### 3. Háskastig almannavarna

#### Almannavarnastig

Viðbragðsáætlunum almannavarna er skipt í þrjú stig sem skilgreina alvarleika þess ástands sem steðjar að. Almannavarnastigin eru: Óvissustig, Hættustig og Neyðarstig.

Til þess að gefa til kynna umfang almannavarnaviðbragða þ.e. fjölda þeirra eininga sem virkjaðar eru í þágu almannavarna í hvert sinn, þörf fyrir víðtæka samhæfingu og fjölda stjórnstiga er hægt að skilgreina umfang á hverju almannavarnastigi með litum sem hér segir:

#### • Grænt

Atburði er sinnt af fáum viðbragðsaðilum

#### • Gult

Alvarlegur atburður og sinnt af mörgum viðbragðsaðilum

#### • Rautt

Mjög umfangsmikill atburður á mörgum svæðum

Þjóðarvá - hamfarir eða atburðir sem hafa áhrif á mörg umdæmi á sama tíma.

Með hliðsjón af þessu taka sóttvarnalæknir og ríkislögreglustjóri ákvörðun um umfang aðgerða hverju sinni og upplýsa viðbragðsaðila.

#### Óvissustig

#### Athuganir, mælingar, hættumat

##### Skilgreining:

Nýr undirflokkur influensuveiru greinist í mönnum en sýking milli manna er ekki þekkt nema í undantekningartilfellum og þá við mjög náið samband.

##### Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Samráð / samstarf er við mikilvæg erlend samtök og stofnanir.
2. Samráð / samstarf milli innlendra stofnana, samtaka, fyrirtækja og félaga.
3. Skráning upplýsinga um staði þar sem sýking (H5N1? – önnur sýking ?) hefur komið upp.
4. Athugun á birgðastöðu matar, lyfja og annarrar nauðsynjavöru.
5. Athugun á boðleiðum, fjarskiptum og fleiru þess háttar.
6. Æfingar, almannavarnaæfing, minni æfingar innan stofnana og / eða hjá aðilum, sem hafa sameiginleg verkefni.

### Viðbúnaður vegna hættu

#### Skilgreining:

1. Enginn staðfest sýking hérlendis.
2. Litlar hópsýkingar af völdum nýs undirflokks influensuveirunnar brjótast út hjá mönnum á takmörkuðu svæði en veiran virðist ekki hafa lagað sig vel að mönnum.
3. Umtalsverðar hópsýkingar brjótast út hjá mönnum en þær eru enn staðbundnar. Vísbendingar eru um að veiran aðlagist mönnum í vaxandi mæli en þó ekki þannig að umtalsverð hætta sé á heimsfaraldri.

#### Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Ráðstafanir gerðar til að koma í veg fyrir að sýktir einstaklingar komi til Íslands.
2. Komi fólk frá sýktum svæðum til Íslands fer fyrsta læknisrannsókn fram í flughöfnum (Keflavík) og höfnum.
3. Söfnun og úrvinnsla faraldursfræðilegra upplýsinga.
4. Hugsanlega loka einhverjum höfnum / flugvöllum.
5. Heimasóttkví hugsanlega beitt gegn þeim sem eru einkennalausir en gætu hafa smitast.
6. Skip hugsanlega sett í sóttkví.
7. Skipulögð dreifing / taka fyrirbyggjandi influensulyfja meðal áhættuhópa íhuguð.
8. Athuga með heimköllun Íslendinga frá svæðum þar sem hópsýkingar af völdum nýs stofns influensu hafa brotist út.

## Neyðarstig

### Neyðaraðgerðir vegna atburða

#### Skilgreining;

1. Stofn influensuveirunnar hefur fundist í einum eða fleiri einstaklingum hérlendis eða heimsfaraldri hefur verið lýst yfir. Vaxandi og viðvarandi útbreiðsla smits meðal manna

#### Ráðstafanir ákveðnar af ríkislögreglustjóra og sóttvarnalækni með hliðsjón af alvarleika faraldurs.

1. Viðbragðskerfi að fullu virkjað.
2. Samkomubann, lokun skóla o.fl.
3. Útskrift sjúklinga af sjúkrahúsum.
4. Skipulögð dreifing / taka fyrirbyggjandi influensulyfja meðal áhættuhópa.

#### Skammstafanir og orðskýringar

<b>AR</b>	Sýkingartíðni
<b>AVD</b>	Almannavarnadeild
<b>AVN, Av-nefnd</b>	Almannavarnanefnd
<b>CDC</b>	Sóttvarnastofnun Bandaríkjanna
<b>CFR</b>	Dánarhlutfall sjúkdóms
<b>ECDC</b>	Sóttvarnastofnun Evrópusambandsins
<b>ESB</b>	Evrópusambandið
<b>LL</b>	Landlæknisembættið
<b>RLS</b>	Ríkislögreglustjórinn
<b>RÚV</b>	Ríkisútvarpið
<b>SST</b>	Samhæfingarstöðin, Skógarhlíð
<b>SVL</b>	Sóttvarnalæknir
<b>WHO</b>	Alþjóðaheilbrigðismálastofnunin

<b>DMR</b>	Dómsmálaráðuneyti
<b>HBR</b>	Heilbrigðisráðuneyti
<b>MRN</b>	Menntamálaráðuneyti

### Sóttvarnaráðstafanir

Heilbrigðisráðherra kveður á um **samkomubann** samkvæmt tillögu sóttvarnalæknis (sbr. 12. gr. laga nr. 19/1997). Almannavarnadeild ríkislögreglustjóra sér um framkvæmd samkomubanns í samvinnu við dómsmálaráðuneyti og lögreglustjóra. Í samkomubanni felst að fjöldasamkomur eru óheimilar s.s fundarhöld, skólastarf, skemmtanir á borð við dansleiki, leiksýningar og kirkjuathafnir á borð við messur. Samkomubann er sett samkvæmt nánari fyrirmælum sóttvarnalæknis. Þegar ekki eru lengur forsendur fyrir samkomubanni er það heilbrigðisráðherra sem afléttir samkomubanni samkvæmt tillögu sóttvarnalæknis.

Heilbrigðisráðherra er heimilt að fenginni tillögu sóttvarnalæknis að **takmarka ferðafrelsi** manna með því að grípa til afkvíunar byggðarlaga og landsins alls og einangrunar sýktra manna, sbr 12. gr. sóttvarnalaga nr. 19/1997. Sóttvarnalæknir gefur fyrirmæli um nánari tilhögun takmarkana á ferðafrelsi. Almannavarnadeild sér um framkvæmd þessara ráðstafana í samvinnu við dómsmálaráðuneyti og lögreglustjóra.

## Háskastig WHO

Alþjóðaheilbrigðisstofnunin (WHO) í samvinnu við sóttvarnastofnanir í Bandaríkjunum (CDC) og Evrópu (ECDC) ásamt framkvæmdastjórn ESB hafa með sér náið samstarf við að fylgjast með og meta stöðuna. Íslendingar fá upplýsingar frá WHO og hafa jafnframt nána samvinnu við ECDC og ESB um vöktun og viðbrögð.

Í stigaskipan WHO er gert ráð fyrir þremur skeiðum í heimsfaraldri; *skeið á milli heimsfaraldra*, *viðvörunarskeiði* og *skeiði heimsfaraldurs*. Innan hvers skeiðs eru skilgreind mismunandi stig og eru þau sex talsins.

Stig WHO segja meira til um útbreiðslu frekar en alvarleika sýkingar. Stig 6, *skeið heimsfaraldurs*, getur verið vaxandi útbreiðsla á vægri influensu. Viðbragðsáætlun ráðuneyta gegn heimsfaraldri influensu er gerð með háskastig almannavarna til hliðsjónar en stigaskipan WHO er mikið notuð í fjölmiðlum og er sett hér fram til skýringar.

Háskastig WHO	
Stig heimsfaraldurs	Markmið aðgerða
<p><b>Skeið milli heimsfaraldra</b></p> <p>Stig 1. Enginn nýr influensustofn hefur greinst í mönnum. Stig 2. Enginn nýr stofn influensuveiru hefur greinst í mönnum. Stofn influensuveiru geisar í dýrum og talinn geta ógnað mönnum.</p> <p><b>Viðvörunarskeið</b></p> <p>Stig 3. Nýr stofn influensuveiru hefur greinst í mönnum en ekki er vítað til þess að hann berist manna á milli nema í undantekningartilfellum og þá við mjög náið samband manna. Stig 4. Litlar hópsýkingar brjótast út hjá mönnum á takmörkuðu svæði af völdum nýs stofns influensu en hann virðist ekki hafa lagað sig vel að mönnum. Stig 5. Umtalsverðar hópsýkingar brjótast út hjá mönnum en þær eru enn staðbundnar. Visbendingar eru um að veiran hafi í vaxandi mæli aðlagast mönnum, þó ekki í þeim mæli að umtalsverð hættu sé á heimsfaraldri.</p> <p><b>Skeið heimsfaraldurs</b></p> <p>Stig 6. Heimsfaraldur: Vaxandi og viðvarandi útbreiðsla smits á meðal manna.</p>	<p>Styrkja viðbúnað við heimsfaraldri influensu.</p> <p>Lágmarka hættu á smiti, uppgötva og tilkynna slík smit án tafar.</p> <p>Tryggja hraða greiningu á nýjum stofni veirunnar. Greina tilfelli fljótt og tilkynna þau án tafar. Hröð viðbrögð við fleiri tilfellum.</p> <p>Halda nýjum stofni innan afmarkaðs svæðis/uppsprettu eða seinka útbreiðslu og vinna tíma til að bregðast við (bóluefni ofl.).</p> <p>Hámarksáhersla er lögð á að koma í veg fyrir eða seinka útbreiðslu og, ef mögulegt, afstýra heimsfaraldri og vinna tíma til að hrinda í framkvæmd sóttvarnaráðstöfunum.</p> <p>Draga úr afleiðingum heimsfaraldurs eins og unnt er.</p>



## 4. Virkjun viðbragðsáætlana skóla

Sóttvarnalæknir tilkynnir breytingar á viðbúnaðarstigi (sjá nánar um stig í kafla 3).

### Breyttur viðbúnaður í skólum

Tilkynntar breytingar á háskastigi sem kalla á sérstök viðbrögð skóla á tilteknu sóttvarnasvæði eða landinu öllu verða staðfestar af mennta- og menningarmálaráðuneytinu með tilkynningu í fjölmiðlum og á heimasíðu þess [www.stjornarradid.is](http://www.stjornarradid.is) og eftir atvikum með tölvupósti til skólastjórnenda og sveitarfélaga.

### Afboðun

Þeir þættir viðbragðsáætlana skóla sem virkjaðir eru skulu ekki aflagðir fyrr en formleg boðun um það kemur frá yfirvöldum.

### Helst verkefni skóla á einstökum stigum

#### Óvissustig

Unnið að gerð viðbúnaðaráætlunar. Skólarnir upplýsa starfsfólk, nemendur og aðstandendur þeirra og aðra hagsmunaaðila um undirbúning og viðbrögð komi til hættu- eða neyðarástands.

#### Hættustig

Stjórnendur hvers skóla stýra starfsmönnum til þeirra verkefna sem lýst er í viðbragðsáætlun skólans um skólahald á hættustigi.

#### Neyðarstig (e.t.v. samkomubann)

Stjórnendur hvers skóla stýra starfsmönnum til þeirra verkefna sem lýst er í viðbragðsáætlun skólans um starfsemi hans á neyðarstigi. Komi til samkomubanns verður skólum lokað á tilteknu svæði eða landinu öllu.

## 5. Stjórnun og lykilstarfsmenn skólans

### Verkefni skóla:

Skólastjóri er samkvæmt lögum forstöðumaður skólans. Hann ber ábyrgð á starfi skólans, stjórnar honum og veitir honum faglega forystu. Aðstoðarskólastjóri er staðgengill skólastjóra. Skólastjóri og aðstoðarskólastjóri stýra skólahaldi, sinna daglegum rekstri, starfsmannahaldi og samskiptum við foreldra/forsjáraðila og aðila utan hans.

### Skólastjórn skipa:

Hanna Dóra Björnsdóttir skólastjóri, Lára Gunndís Magnúsdóttir aðstoðarskólastjóri, Íris Olga Lúðvíksdóttir stigsstjóri eldra stigs og Sara Gísladóttir stigsstjóri yngra stigs.

Húsvörður, Guðmundur Magnússon, hefur yfirumsjón með skólahúsnæðinu. Hann hefur með höndum daglegt eftirlit með mannvirkinu, sem og tækjum og tækjabúnaði skólans. Þá er húsvörður einnig öryggisvörður skólans. Öryggistrúnaðarmaður er Helga Þorbjörg Hjálmarsdóttir.

Skólaritari, Margrét Guðbrandsdóttir, sér um skrifstofu skólans, vinnur ritarastörf og ýmis önnur störf er stjórnendur fela honum. Skólaritari er tengiliður skólans við foreldra, tekur á móti tilkynningum og veitir móttöku skilaboðum fyrir hönd skólans og kemur áleiðis til viðkomandi aðila. Þá sér skólaritari um símvörslu skólans.

Áfallaráð skólans er skipað eftirtöldum aðilum: Skólastjóri, aðstoðarskólastjóri, skólaritari, náms- og starfsráðgjafi og skólahjúkrunarfræðingur. Auk þeirra vinna sóknarprestarnir, skólasálfræðingur og umsjónarkennarar með áfallaráði eins og þurfa þykir. Skólastjóri eða staðgengill hans kallar saman áfallaráð og stýrir vinnu þess.

Námsráðgjafi skólans er Helga Rós Sigfúsdóttir.

Fræðslustjóri Skagafjarðar, Selma Barðdal Reynisdóttir, hefur yfirumsjón og eftirlit með faglegu starfi og rekstri grunnskóla sveitarfélagsins.

Fræðslunefnd fer með málefni grunnskólanna í Skagafirði samkvæmt lögum og reglugerðum um þá, sveitarstjórnarlögum og því sem sveitarstjórn felur henni að öðru leyti.

## 6. Starfssvæði skólans og umfang

**Verkefni skóla:** Grunnskóli fyrir nemendur í 1.-10. bekk.

**Húsnæði:** Varmahlíðarskóli er við Birkimel 2 í Varmahlíð. Aðalinngangur snýr til austurs en einnig er inngangur til norðurs og suðurs. Starfsmenn og nemendur koma inn um aðalinngang. Á neðstu hæð skólans starfar frístund. Tónlistarskóli Skagafjarðar er með aðsetur á 3. hæð skólans.

**Aðrar starfsstöðvar:** Íþróttamiðstöð Varmahlíðar, við Birkimel (norðan við skólahúsnæði).

Skólaárið 2019-2020 eru 103 nemendur í Varmahlíðarskóla og 34 starfsmenn .



## 7. Viðbragðsáætlun Varmahlíðarskóla við heimsfaraldri inflúensu

### Hver annast verkefnisstjórn við gerð, uppfærslu og virkjun viðbragðsáætlunar

Verkefnisstjórn vegna viðbragðsáætlunar er í höndum skólastjórnenda. Skólastjóri ber ábyrgð á gerð hennar, uppfærslu og virkjun. Staðgenglar skólastjóra og/eða trúnaðarmenn í skólanum bera ábyrgð á virkjun áætlunarinnar í forföllum skólastjóra, í nánu samstarfi við skólahjúkrunarfræðing og Heilbrigðisstofnun Norðurlands.

### Upplýsingar til starfsmanna, nemenda og aðstandenda þeirra um inflúensuna

Skólastjórnendur upplýsa starfsmenn skólans um inflúensuna og útbreiðsluleiðir og hvernig draga megí úr smitleiðum, á starfsmannafundum og með tölvupósti. Foreldrar og nemendur fá upplýsingar frá stjórnendum og skólahjúkrunarfræðingi á heimasíðu skólans og með fjölpósti gegnum Mentor. Fjölskyldur sem ekki hafa aðgang að tölvu, frá dreifibréf eða símtals með upplýsingum. Grunnupplýsingar er að finna á [www.almannavarnir.is](http://www.almannavarnir.is) svo og á [www.influensa.is](http://www.influensa.is) Kennarar og starfsmenn eru hvattir til að ræða við nemendur, t.d. í lífsleiknitímum um hvað flensan er, hvernig hún lýsir sér og hvernig megí draga úr smitleiðum. Mikilvægt er að upplýsingar miði að því að eyða óþarfa ótta og að tekist sé á við hugsanlega vá af festu, yfirvegun og þekkingu.

### Skipulag ræstingar

Skólastjóri fer yfir verkferla í ræstingu með skólaliðum. Lögð er aukin áhersla á þrif á snertiflötum s.s. að sápuþvo hurðarhúna, ljósarofa og fleira í þeim dúr. Samráð verður haft við skólahjúkrunarfræðing/HSN og munu þessir aðilar sjá um útvegun hlífðarbúnaðar. Upplýsingar um ræstingu og hlífðarbúninga má finna á [www.influensa.is](http://www.influensa.is)

### Veikindi nemenda í skólanum

Foreldrar eru hvattir til að halda börnum sínum heima, veikist þau, eins og tilmæli sóttvarnarlæknis gefa til kynna. Veikist nemandi í skólanum og þarf að komast heim, verður foreldrum gert að sækja hann. Umsjónarkennarar og skólaritari sjá um að hringt sé heim til aðstandenda í slíkum tilfellum.

### Veikindi skólastjórnenda

Veikist skólastjóri, tekur aðstoðarskólastjóri, stigstjórar eða trúnaðarmenn við stjórn.

### Komi til lokunar skóla

Skólastjóri og/eða aðstoðarskólastjóri auglýsa lokun skólans og gerist það á eftirfarandi hátt:

- Á heimasíðu og facebooksíðu skólans.
- Á heimasíðu Sveitarfélagsins Skagafjarðar.
- Fræðsluskrifstofa látin vita.
- Skólabílstjórar látnir vita.
- Allir starfsmenn skólans látnir vita.
- Tölvupóstur sendur til allra aðstandenda nemenda í Mentor sem og sms boð.
- Auglýsingar settar á alla innganga skólans.
- Nemendur, með annað tungumál en íslensku og aðstandendur þeirra, fá sérstakar leiðbeiningar.
- Eftir þörf eru túlkar fengnir til að aðstoða við að koma á framfæri upplýsingum á tungumáli viðkomandi.

### **Skólastarf í lokun**

Verði mögulegt að halda úti skólastarfi með þeim nemendum sem ekki hafa veikst, sem og því starfsfólki sem ekki hefur veikst, verður það gert t.d. með því að sameina í bekki/námshópa. Reynt verður eftir fremsta megni að halda skipulagi samkvæmt stundaskrá. Þeim nemendum sem eru heima vegna veikinda verða sendar námsáætlanir í gegnum Mentor. Þeir sem ekki eru með aðgang að tölvum, fá upplýsingar um heimanám í gegnum síma. Skólastjóri og kennarar hafa samráð um slíkar áætlanir.

### **Umsýsla fasteigna og öryggismála meðan á lokun stendur**

Skólastjóri/staðgengill/húsvörður fara á hverjum degi yfirs kólahúsnæðið meðan á lokun stendur.

### **Skólastarf hefst á ný**

Skólastjórnendur kanna í samráði við kennara, hvort breyta þurfi kennsluáætlunum. Áfallaráð skólans verður virkjað og verður metið hvort starfa þurfi eftir áfallaáætlun. Ákvarðanir skólans eftir faraldur verða kynntar á heimasíðu skólans og með fréttabréfi á hvert heimili. Mikilvægar upplýsingar verða sendar með tölvupósti í gegnum Mentor.


## 8. Samskiptaleiðir

Nafn:	Starfsheiti:	Sími:	Gsm:	Netfang:
Hanna Dóra Björnsdóttir	skólastjóri	4556023	898698	<a href="mailto:hannadora@varmahlidarskoli.is">hannadora@varmahlidarskoli.is</a>
Lára Gunnús Magnúsdóttir	staðgengill skólastjóra	4556024	8948074	<a href="mailto:larag@varmahlidarskoli.is">larag@varmahlidarskoli.is</a>
Íris Olga Lúðvíksdóttir	stigsstjóri eldra stigs, umsjón með heimasíðu	4556020	8989693	<a href="mailto:iriso@vhls.is">iriso@vhls.is</a>
Sara Gísladóttir	stigsstjóri yngra stigs, fulltrúi í skólaráði	4556020	8998031	<a href="mailto:sarag@vhls.is">sarag@vhls.is</a>
Margrét Guðbrandsdóttir	skólaritari	4556020		<a href="mailto:ritari@varmahlidarskoli.is">ritari@varmahlidarskoli.is</a>
Guðmundur Magnússon	húsvörður, öryggisvörður, umsjónarmaður húss	4556020	8618825	<a href="mailto:gudmundur@vhls.is">gudmundur@vhls.is</a>
Sigrún Sigurðardóttir	skólahjúkrunarfræðingur	4324200		<a href="mailto:sigrun.sigurdardottir@hsn.is">sigrun.sigurdardottir@hsn.is</a>
Unnur Erla Sveinbjörnsdóttir	kennari, fulltrúi í skólaráði. Umsjónarmaður með tölvu- og tækjabúnaði.	4556020	8679094	<a href="mailto:unnur@vhls.is">unnur@vhls.is</a>
Helga Rós Sigfúsdóttir	Námsráðgjafi	4556020	8660265	<a href="mailto:helgaros@vhls.is">helgaros@vhls.is</a>
Sigrún Benediktsdóttir	Trúnaðarmaður kennara	4556020	8626673	<a href="mailto:sigrunben@vhls.is">sigrunben@vhls.is</a>
Helga Þorbjörg Hjálmarisdóttir	Öryggistrúnaðarmaður starfsmanna	4556020	8674006	<a href="mailto:helga.h@vhls.is">helga.h@vhls.is</a>
Linda Gunnarsdóttir	Trúnaðarmaður starfsmanna	4556020	6916622	<a href="mailto:linda@vhls.is">linda@vhls.is</a>
Friðrik Jónsson	Trúnaðarmaður starfsmanna	4538824	8991019	<a href="mailto:frissi@vhls.is">frissi@vhls.is</a>
Selma Barðdal	Fræðslustjóri	4556000	8449874	<a href="mailto:selma@skagafjordur.is">selma@skagafjordur.is</a>
Laufey Skúladóttir	Formaður fræðslunefndar	4556000	8965526	<a href="mailto:laufey.skuladottir@skagafjordur.is">laufey.skuladottir@skagafjordur.is</a>

## 9. Kort og teikningar

### Sóttvarnasvæðin

Íslandi er skipt upp í átta sóttvarnaumdæmi og er sóttvarnalæknir skipaður í hverju þeirra. Í stórum sóttvarnaumdæmum eru skipaðir sóttvarnalæknar ákveðinna svæða. Sjá mynd.



## 10. Dreifingarlisti

Eintakið er vistað rafrænt á eftirtöldum vefsíðum:

Innri vefsíðu skólans : [www.varmahlidarskoli.is](http://www.varmahlidarskoli.is)

Auk þess eru rafræn og prentuð eintök vistuð á eftirtöldum stöðum:

Deildir innan skólans, nefnið allar og fjölda eintaka	
Skrifstofa skólastjóra	1 stk.
Starfsmannaaðstaða	1 stk.
Hjá skólaritara	1 stk.



## 11. Breytingasaga

Útgáfa	Dagsetning	Skýringar / breytingar	Fært inn af:
1.0	02.03.2020	Viðbragðsáætlun Varmahlíðarskóla birt	Skólastjóra